

增訂

偽

藥

條

辨

卷

序例 目錄

山草部

二十八種

芳草部

十七種

濕草部

附 水草  
穀菽

十二種

\*\*\*\*\*

二



R282.5  
1-1  
G2X02270  
勸戒鴉片

一勸辦藥宜真也。余閩人。在閩言閩。閩地僻處海嶠。凡兩廣及外洋要藥。皆自香港辦來。江浙川陝遼冀各地道。皆自上海辦來。全省大小藥肆。多向南北幫購置。此書所列偽藥。十有六七。非閩省所產。藥棧爲藥店領袖。必當辦運真藥以利濟羣生。回憶二十年前藥幫傳單議禁。實爲無量功德。不意日久玩生。禁者自禁。而售者自售。夫藥之真偽。醫家病家。固未能周知。藥棧無不知之。明知故作。又奚可哉。竊願好善君子。存仁交義取之心。矢濟世濟人之志。清流塞源。永遠禁絕。則廣種福田。不僅鄙人持一瓣香禱祝以求之耳。

一勸販藥宜密也。凡藥棧之莊友。藥商之經手。一切辨貨批貨。均須驗明正地道貨色。如遇有假藥。貨寧缺而不買。價雖賤而不收。存利濟之善。

心。絕鑽營之貪念。即外府州縣。窮鄉僻壤。客載來省購貨。亦須認貨交易。勿貪小利而昧天良。勿便私圖而害人命。語云。救人一命。勝造七級浮屠。彼蒼福佑善人。報施原不爽也。

勸買藥宜慎也。凡病家請醫治病。爲其欲愈也。有真方無真藥。盧扁莫何。凡一方到手。須問明方中有無要藥。特向藥舖。只取真藥。不論價錢。與其服僞藥數十劑。而無功反害者。何如服真藥一二劑。而奏效如神也。勿先評價錢而後購。勿第貪便宜而相商。凡方中有涉假藥者。尤宜審問而明辨之。自不至爲其所誤矣。

一勸用藥宜謹也。醫爲司命之人。臨症開方。凡方中有涉及假藥者。須與病家詳說某藥有假。購藥時切宜明辨。爲之提醒。自不知墜其術中。在我稍費片言。於人受益非淺。至貴重之品。如人參、牛黃、麝香、琥珀、

桔梗。沙參。性皆降下。如上損下損。虛寒之似。垂危之症。服之則去生反速。吾見亦多矣。可不慎歟。

炳章按人參。多年生草根也。長者八九寸。短者二三寸。略似人形。故名。人參。產吉林。以野參爲貴。故又謂吉林參。或曰野山參。葉似掌狀複葉。東陲遊記云。遼東人參。產甯古塔。即今吉林甯安縣地。四月發芽。草本方梗。對節生葉。葉似秋海棠。六七月開小白花。花白如韭。大者如碗。小者如鐘。八月結子。若小豈而連環。色正紅。久之則黃而扁。初生一極。四五年兩極。十年三極。久者四極。每極五葉。莖直上。即扈從東遊日記所謂百丈杆也。高者數尺餘云。考其產處。有人工培植者。有天然野生者。如爲鳳凰城及船廠產者。種植爲多。而甯古塔產者。野生爲多。總之大參野生。歷年愈久。性愈溫和。其精力亦足。因其



吸天空清靜之氣足。受地脈英靈之質厚。故效力勝也。吳涓泉云。眞野  
生人參。山中少出。今市肆所售。皆秧種之類。其秧種者。將山地墾成  
墾土。純用糞料培養之。受氣不足。故質不堅。入水煎之參渣即爛。臭  
之亦無香味。陰虧之證忌用。故秧種一出。而參價遂賤。而野山眞參。  
更不可得也。因野參採取難。且出額少。不使其年久滋養長大耳。又且  
產參之山險峻。多虎狼毒蛇。故走山者。常有傷生。東陞遊記又云。走  
山採參者。多山東山西等省人。每年三四月間。趨之若鶩。至九十月乃  
盡歸。其組織以五人爲伍。內推一人爲長。號曰山頭。陸行乘馬。水行  
駕威弧。(以獨木雕成。首尾皆銳。)沿松花江至諾尼江口。登岸隨山  
頭至嶺。乃分走叢林中。尋參枝及葉。其草一莖直上。獨出衆草。光與  
曉日相映。得則跪而創之。日暮歸窠。各出所得。交山頭洗剔。貫以長

縷。懸木晒乾。或蒸而晒之。晒乾後。有大有小。有紅有白。土人貴紅而賤白。大抵生者色白。蒸熟則帶紅色。近世以白者爲貴。名曰京參。其體實而有心。其味甘微兼苦。自有餘味。即野山眞參是也。龍江鄉土誌云。野山參。有米珠在鬚。其紋橫。秧子參多順紋。無米珠。所謂秧種者。即鳳凰城及船廠產者是也。鳳凰城之貨。形色白秀。體鬆而瘦長。皮色多縐紋。皮熟者少。味甜。因用糖汁煮過。無餘味。近人所謂白抄參。移山參。太子參。皆其類也。船廠產者。其地二百里內外。所產較鳳凰城稍堅實。且紅潤可觀。味苦微甘。其空鬆者亦多。俗所謂廠參。今俗名石渠子是也。皆不道地。如鄭君所言有沙參。薺苳。桔梗。做充之品。而近時則所未見未聞。且人參形狀。代有變態。據近時辨之。體態宜堅白。皮宜細緊。有橫縐紋。蘆蒂宜凹陷。柢節宜多。柢節多。年

分多也。味宜甘中兼苦。要有清香氣而有回味。方是上品。否則皆屬側路。不可不知也。

## 別直參二

別直參。即高麗參。以野山所產爲上品。近日價值甚昂。有以副野僞充者。卽新山所產也。色白味淡。紋稀。虛寒之體。服之作瀉。且煎熬之後。參片糜爛。不比真者參片完固。以此辨之。便知真僞。聞又有抄參糖參二種。以之混充。則殊礙衛生。

炳章按抄參糖參一種。乃人參之種參。前人參條下已辨明。與別直不同。別直。產韓國。卽古之高麗。其產參之地。如京畿道之松都龍仁。平安道之江界。全羅道之錦山。忠清道之忠州。其間以松都產者爲最勝。紅參製造官廠在焉。其地在韓京之北。十餘里。四面皆山。居北緯三十



八度。寒暑之差殊甚。如松都產者。以金剛山出者。曰金剛參爲最上品。即今正官別直也。而拳頭參次之。且有官私之別。紅白之分。官參、松都所產。由義州出關。加以重稅。私參、別處所出。多偷漏出口。故曰私也。黃報云。白參雖不行於內地。而實則紅參鮮時亦是白參製成。不過加附子水以釀其色。價且較白參爲昂。及攷其性。紅參又遠不逮白參之和平。故土人無食紅參者。蓋別直雖爲種品。如歷年餘久。質味愈良。古時每栽七年而採。後則五年而採。近世韓國割讓日本。日人多精農學。教以人工栽培速成之法。三年即能採買。故其受氣逐年薄弱。而性味效能。亦年不如年也。凡辨真僞。若真正官別。體態圓方形而直。蘆頭大。與身混直而上。皮面近蘆有細橫縐紋。中身細直紋。杖鬚則無紋。味苦兼微甘。鮮潔而有清香氣。煎淘多次。汁清而參仍不腐爛。此爲

最上之品。近時射利之徒。多以廠參僞充。即俗所爲扁剛、石渠子、是也。考廠參中身大。蘆頭小。頸細。杖下亦粗圓而大。皮紋直而粗。味苦而兼瀉。煎糊汁混。參亦腐化。以此可辨爲贗品。若廠參以鑛灰同貯藏年餘。參性受灰抗燥過度。形質因此堅緻。煎之亦汁清不祥。其味仍苦兼瀉。總不若真別直質味之清香鮮潔也。

### 剪口參三

僞名冲剪。以太極參及大小稀頭尾。假冲洋參剪口。色白。味不苦。按剪口之貨。吾省盛行。縱有數年。因參價錢昂貴。市肆將洋參頭尾切下。名爲剪口。昧者不知。疏方竟用剪口參。考諸本草。未聞有剪口之藥。今卽洋參可用。連類而成。爲愛惜物力起見。孰料又有一種冲剪爲之混亂耶。奉勸醫家勿用。病家勿購。則不爲冲參所誤耳。

炳章 按剪口參。種類甚多。如參頭、束條、別折、大尾、中尾、細尾、夾尾之類是已。所云剪口者。乃是閩地藥家之命名耳。鄭君所云洋參剪口者。即束條也。以東洋參之尾。蒸孰乾之。大尾中尾細尾夾尾等類。皆從船廠參（即石浪子扁剛參）傍枝剪下。以枝條之粗細。分大中細夾等尾名目。近今市售。僞名別條是也。又有別折一種。以扁剛參之形態不正者。剪去頭尾。名曰參頭。其中身名曰別折。皆爲側路。藉以混亂別直參也。若中虛者誤服之。立時胸腹脹滿。醫者不可不知也。

西洋參 四

西洋參。皮色微黃者。以小稀充之。皮色純白者。以沖白攪之。其味不苦。又以苦參煎湯。浸而晒之。虛寒之體。誤服即瀉。花旗所產。又有一種肉色黃者。價最貴。竟以新山之太極參僞充之。近人方劑。喜用洋參。若以

貴價買假藥。且於病無益而有害。洵堪浩歎。用者慎之。

炳章

按西洋參。形似遼參而小。產於美國。向來祇有光白二種。近時更

增毛皮參一種。因光參由日本人作偽。以生料小東洋參。擦去表皮。名曰副光。售與我國。貪利市僧。僞充西參以害同胞。天良喪盡。恥莫大焉。蓋西參滋陰降火。東參提氣助火。效用相反。凡是陰虛火旺。勞嗽之人。每用真西參。則氣平火斂。咳嗽漸平。若用僞光參。則反現面赤舌紅。乾咳痰血。口燥氣促諸危象焉。以致醫者見西參有裏足不前之感。故近年美商有不去表皮之毛西參。連入我國。意在杜絕某國狼人之作僞。詎知通行未逾十年。而某國原皮僞毛參又混售市上。病家服藥。可不慎歟。僞西參之爲害既如此。而卒不能革除者。何也。因真西參之價。每斤八九十元。而僞參每斤僅八九元耳。販賣真參者。得利甚微。混

粗而糙。頭甚大。如獅子頭。肉白燥而心硬。味淡有青草氣。價甚賤。爲黨參中之最次。其餘種類甚多。未及細辨。總之以皮紋細橫。肉白柔潤。頭小於身。氣帶清香。味甜鮮潔者皆佳。若皮粗肉堅或鬆。味淡。氣腥如青草氣者。皆爲側路。以此分別。最爲明晰。如鄭君云。有用梔子煎汁染造者。及皮紅以礬紅所染者云云。此等贗物。我江浙未之見也。

田三七 九

假田三七卽義朮假造混充。誤人匪淺。按田漆卽山漆。一名三七。以葉左三右七。故有是名。產廣西南丹諸州。番峒深山中。采根暴乾。黃黑色。團結者狀似白芨。長者如老乾地黃。亦有如人形者。有節味微甘而苦。能止血散血定痛。匪特爲金瘡聖藥。或云試法。以三七搽豬血中。血化爲水者真。用者不可不明辨也。

烟章按三七。原產廣西鎮安府。在明季鎮隸田陽。所產之三七。均貢田州。故名田三七。消行甚廣。亦廣西出品之大宗也。有野生種植之分。其野生形狀類人形者。稱人七。非經百年。不能成人形。爲最難得最道地。前廣西白色商會吳寶森君。購得人七一枚。送瀛陳列。其他普通野生者。皮黃黑色。肉色黃白兼紅潤皆佳。種植者。如蕺豆色亦佳。黃其次之。產湖廣者。名水三七。黃黑色。皮縐有節。略次。產廣東者。名竹節三七。形似良薑。有節而長。色淡紅。別有用處專能。如無節苗者。名蘿蔔三七。皆次。頃廣東出有一種。有蘆肉色白。名新三七。更次。僞者以白芷做成。實害人匪淺。不可辨也。

丹參 十

丹參古出桐栢川谷。今近道處有之。其根赤色。大者如指長尺餘。一苗數



根。氣味苦微寒無毒。主治心腹邪氣。寒熱積聚。本草經原文。歷叙功用。未加益氣二字。蓋益正氣所以治邪氣也。近今市肆有一種土丹參。服之極能散血。又奚有益氣之功。不知用何種草根混充。殊可恨也。

炳章

按丹參產安徽古城者。皮色紅。肉紫有紋。質燥體鬆。頭大無蘆。

爲最佳。滁州全椒縣。形狀同前。亦佳。產鳳陽定遠白陽山漳浦者。蘆細質鬆。多細枝次。產四川者。頭小枝粗。肉穠有白心。亦次。鄧君所云土丹參。或即川丹參也。抑或福建土產之一種。別具形態。余未之見也。

黃耆 十一

僞名介蒞。介或作蓋。條硬無味。色白不黃。按黃芪以山西綿上出者爲佳。故一名綿芪。色黃帶白。堅實如箭竿。故又名北箭芪。折之柔韌如綿。

故能入肌腠而補氣。若介芪之呆劣。又安可用乎。聞蓋芪性極發散。有人誤服。汗流不止。其性與綿芪大相反。用者當明辨之。

胡章

按黃芪冬季出新。山西太原府里陵地方出者。名上芪。是地有大有

大成。義聚成。育生德。等號貨賣。雙縛成把。其貨直長糯軟而無細枝

。細皮縐紋。切斷有菊花紋。兼有金井玉欄杆之紋。色白黃。味甜鮮潔

。帶有菜豆氣。爲最道地。又大同府五台山出。粗皮細硬。枝短味淡。

作小把。爲台芪。俗稱小把芪。略次。亳州出者。性硬筋多而韌。肉色

黃。爲亳芪。俗稱奎芪。亦次。陝西出者。爲西芪。性更硬。味極甜。

更次。蛟城出者。爲蛟芪。枝短皮粗無枝。極次。四川出者。爲川芪。

小把。皮紅黑色。性硬筋韌如繩。味青草氣。爲最下品。服之致腹滿。

最能害人。凡外症瘡瘍用黃芪。如陽癰托毒化膿。及虛體痘瘡凹陷。皆

用生。陰疽補托轉陽用炙。皆須太原產之上芪。立能見效。若以側路雜芪充用。則爲害甚烈。不可不辨矣。

於朮

十二

白朮種類甚多。雲朮肥大氣壅。台朮條細力薄。寧國狗頭朮。皮赤稍大。皆栽灌而成。故其氣甚濁。却少清香之味。當以浙江於潛野生者。名於朮爲第一。一名天生朮。形小有鶴頸甚長。內有硃砂點。朮上有鬚者尤佳。以得土氣厚也。據土人云產縣後山脈。及黃塘至遼東橋一帶。西流水四十里地之朮。方有硃砂點。他處則無。但野朮入口。味甜氣極清香。總以白爲佳。以潤爲妙。近有一種江西種朮。其形甚小。與野朮相似。雖有鶴頸而甚短。其體堅實。其味苦劣。不可用。貨者多以此混充於朮。是不可以不辨也。

炳章按天生野於朮。體輕質瘦小。性糯味甘。色紫。皮細寬而層疊。蘆軟而圓。有鳳頭鶴頸之象。切開有硃砂斑點。氣甚香。即鄭君所云。於潛山黃塘至遼東橋一帶出者是也。爲最佳品。不易多得。他如近於潛山各山。亦得其山脈餘氣。野生者亦佳。然蘆硬皮不層疊。亦有鳳頭鶴頸之形。其他鄰縣所出。別有一種。亦鳳頭鶴頸。軟蘆如小算子而圓。切開亦有硃砂點。質燥味薄。氣不甚者。價亦廉。俗名鈕扣朮。近時有充湖廣朮者。鄭君所云江西朮。或即此也亦次。更有冬朮移種於潛。名種朮。顆甚大。重兩大者十餘兩。小者五六兩。皮黃肉白。無暈。亦有硃砂點。味甘兼辣。近時市肆作於朮者此也。亦不甚佳。其帶葉者名帶葉朮。僞充野朮。裝玻璃盒。官場贈送爲禮品。此皆側路也。又有南京茅山出者。曰茅朮。亦有硃砂點。味甘辛。性糯形瘦長有細鬚根。利濕

藥中用之。亦佳。泗安產者。形類毛朮。性燥。味甘辣。切片逾日起白霜。亦次。惟朮之種類甚多。就與於朮有類似關係者。約辨數種。餘概略之。

天門冬 十三

天門冬始出奉高山谷。其根白色。或黃色。柔潤多汁。稟水精之氣。而上通太陽。氣味甘寒無毒。主治諸暴風濕偏痺。強筋骨。殺三虫。本經列爲上品。聞有用福州小番薯。煑熟晒乾僞充。良可慨已。

炳草按天門冬。浙江溫州台州俱出。肥大性糯。色黃明亮者佳。鮮時用礬水泡透。剝去外皮晒之。大小有提揀統之別。四川、山東、福建、河南、陝西、亦產。總要肥壯黃亮。糯潤者皆佳。僞者尙少。

僞名洋麥冬。色極白。味苦不甜。按麥冬古時野生。凌冬青翠。宛如麥粒。故名麥冬。今江浙多時植之。根色黃白。氣味甘平。質性滋潤。稟少陰冬水之精。上與陽明胃土相合。爲上品服食要藥。奚容僞物混充。而誤人不少乎。

炳章按麥門冬。出杭州竟橋者。色白有神。體軟性糯。細長皮光潔。心細味甜。爲最佳。安徽寧國七寶浙江餘姚出者。名花園子。肥短體重。心粗。色白帶黃。略次。近時市用。以此種最多。四川出者。色呆白短實。質重性硬。亦次。湖南衡州來陽縣等處亦出。名採陽子。中勻。形似川子。亦不道地。大者曰提青。中者曰青提。小者曰蘇大。曰紹大等名目。以枝頭分大小耳。



僞名次花粉。聞此種係馬前頭混充。其性不可知。匪特不能生津止渴。且服之令人頭暈目眩。按花粉即括樓根。秋後掘者結實有粉。夏日掘者有筋無粉。入土最深。皮黃肉白。氣味苦寒。能啓在下之水精上滋。厥功甚偉。所在皆有。價亦不貴。貨者偏以僞亂真。藉博蠅頭之利。其居心尙可問乎。更有一種洋花粉。無筋色白而嫩。其塊較大。或云係洋粉僞造。煎之即腐爛。皆無益之品。幸勿誤服也。

炳章按花粉。江蘇上海南翔鎮等處出爲山花粉。皮細結。肉白。性糯。無筋。起粉。爲最佳。亳州出爲毫花粉。性糯色白。無皮無筋。亦佳。嘉定古城江北通州等處皆出。亦名山花粉。皮色黃有筋。略次。山東關東出者。爲洋花粉。極大。質鬆多筋。色黃白。爲最次。鄭君云洋粉僞造即此。實非僞造。因其質鬆。如粉作造。非真以粉可造也。

僞名廣連。即洋川連。色不黃。中有花點。皮黑面有毛。按黃連以四川雅州出者爲佳。故名雅連。形如雞距。故又名雞爪連。氣味苦寒色極黃。易於辨識。近有辦峨眉山所產者。價值甚昂。漳泉人最喜購之。若此種廣連。色不黃則名不稱。性味既殊。功用自劣。誤服之則貽害多矣。

炳章按黃連背陰草根也。苗似茶叢。經冬不凋。生於深山窮谷。幽僻無日照之處。必得凝寒之氣者爲上。八九月出新。種類甚多。隨地皆產。且有野生種植之別。惟四川野生者多佳品。爲治療上之要藥。茲將其產別種類之形態。詳別於下。○四川峨嵋山產者。曰峨嵋連。蘆軟而綠。刺硬皮黃。切開空心。有菊花紋金黃色者。爲最上品。○撞州野出者。曰撞州連。蘆頭中空而圓。有硬刺。色黃帶青。頭尾均勻。切開亦有菊花紋。